

# WAKITÀ UWANA YAHUDA ATSETSÈR Lettre de Jude

## *Ayyi*

<sup>1</sup> Gi, Yahuda la uwana gətsetser wakità uwanay, gi mayà aṅa Yesu Kristu, gi mabəziga bəzi gà aṅa Yakuba uwana Baba gami tekula la iyà tekula.

‘Ayyi’, gəgof à akul, akul azlaaṅa Zəzagəla Baba, uwana awoya akul la ləv tekula. Atsatsà-màni akul kà magay azladza aṅha, anəṅla akul la Yesu Kristu.

<sup>2</sup> Zəzagəla avà à akul mamatsila, lapiya la masal aṅha kaykay.

## *Seriya aṅa azlaməna matapla fida (2 Piyer 2.1-17)*

<sup>3</sup> Azlaməna gay ləv gulo, gədawaf vok à uda kà matsetser akul gay aṅa mabəlay uwanay, mədahamay à masla à abà. Lagwa kà, gətsetser à akul kà madzərədəh akul à uda, kà akul aṅa mapay la madiṅal gəl à vok, kà azlatatak uwana kadiṅawwal gəl à vok uwana la abà, Zəzagəla avà à azladza aṅha aṅa koksikoksi.

<sup>4</sup> Gəpəh uwanay kà, kà uwana azladza uwana tasəl Zəzagəla aw, taguḅ akul à tsəh la maham gay à vok aṅkul la abà. Atà tagor mawis gay ala lakəl aṅa tatak uwana Zəzagəla avà deyday, la magofay kà Zəzagəla avà à tetəvi kà madfàh

mawisiga uwana asà à anu gesina, tagodf. La madehəŋ kiya uwaga kà, takweska Yesu, uwana madzahaga, ŋgaha Sufəl gami. Dagay uwarà la wakità Zəzagəla la abà tatsetsèr kà: Zəzagəla adàdukw seriya à azlatsəhay dza uwaga à gəl.

<sup>5</sup> Iyay, amiyaka kadasəlaw tatak uwana gəpəh à akul kà, ama bà gotənaŋ kà, gəpəh à akul aya. Kiya uwaga, la zamana uwarà Sufəl abəlla azlatsəhay aŋha, asəlla atà à uda la gudəŋ Misəra. Ŋgaha akàd azladza uwana à gay la tataka aŋatà, uwana tadŋal gəl à vok aw.\* <sup>6</sup> Azlamalika babay, uwana tazigənà gəl la kokudfa mav à atà aŋa Zəzagəla, atà tazà vok la slaka uwana Zəzagəla abək atà à abà, kà Zəzagəla ahəl atà, awadàh atà, ŋgaha abək atà à mələs tabadammaga à abà aŋa koksikoksi, tsərəh à kaslà uwana Kristu adasa à waŋ kà madàh seriya à azladza gesina à gəl. <sup>7</sup> Ŋgaha aya kà, dzùgwàw lakəl aŋa gudəŋ Sodom atà la Gomor babay, ŋgaha la azlagudəŋ anik la azlakutso uwatà la abà. Azladza aŋa azlagudəŋ uwatà tadahàhà azlamabila babay, tadahàhà azlatsəhay tatak anik mawisiga, uwana naka dza la sləb vok adəhəŋ aw. Zəzagəla afà à atà à gəl kà akəl uwana adàmatsala didi aw. Uwanay apəhanula, kà kiya uwanay la uwana Zəzagəla adàdfehəŋ à azlatsəhay dza uwaga à gəl.\*

<sup>8</sup> Azladza uwana tasà à waŋ à tataka aŋkul à abà, tadehəŋ kiya uwanay babay. Baməraka masesiŋay uwana asesiŋla atà kà, tadah mabila, asa à atà kà Zəzagəla akor atà aw, ŋgaha tatsəd

---

\* **1:5** 1.5 2Musa 12.51; 4Musa 14.29-30 \* **1:7** 1.7 1Musa 19.1-24

gay mawisiga à azlamalika uwana à tsòh, atà la mazlòbay. <sup>9</sup> Amiyaka Misel, uwana mənğa aña malika anik gesina kà, agòdàh à seteni aw, mok uwana tabayà vok gay la seteni lakəl aña Musa kà, adàhà zlapay lakəl aña slòb vok aña aw, ama afà kà à ahàl aña Zəzagəla pəra. Agòfal pəra kà: ‘Say Zəzagəla la uwana adàhà à ka seriya à gəl!’, agòfal.✧ <sup>10</sup> Ama kà aña azladza uwana tatsək magòdahay à azlatatak uwaga à gəl kà, tasəl godega aña aw. Tadehəŋ kà say tatak uwana asa aresl añaatà pəra, bokuba azlatatak fəta, azlatatak uwaga la uwana awisatàla. <sup>11</sup> Uwaga kà ŋgərpa uwana anəfa tetəvi aña Kaynu, ŋgaha babay tadàh mawisiga kà maβəz sili bokuba aña Balam uwana adàhəŋ uwarà. Taməts à gay kà uwana tadzadzàŋà gəl añaatà ala lakəl aña Zəzagəla, bokuba uwana Kora adàhəŋ.✧ <sup>12</sup> Digiya baña kadzaw madzay kà mazuw tatak may akul nna kà, ziruwi kà aŋkul, tahabàh madəvaday, tafa à gəl kà à vok añaatà pəra, ziruwi bay aza à atà, tapakahay kà bokuba habaga uwana asal masa à afik, ama afad adadasinla, tapakahay kà bokuba azlaahàf uwana amiyaka kaslà mayyay añaatà babay kà tayyay aw, tagahay kà bokuba azlaahàf maβad à ahəŋ gə. <sup>13</sup> Tagahay kà bokuba azlaiyaw uwana tagaŋtsay la dərəv la afik, atà la titi aw. Falfafal, tagòday bokuba iyaw uwana la dərəv la afik, tsakana añaatà kà apəhla à vok ala, la ufaka la abà, bokuba mahərapapay

---

✧ **1:9** 1.9 5Musa 34.6; Daniyel 10.13,21; 12.1; Zakari 3.2 ✧ **1:11** 1.11 1Musa 4.3-8; 4Musa 22.1-35

aṅa iyaw, uwana amətsal à tsəh ala. Tagahay bokuba azlatsetsilin uwana tabad vok. Zəzagəla adafahatəṅ slaka mələs gə à ahəṅ tabadamma. La abatà la uwana tadədz à ahəṅ aṅa tsərəh à awtəy.✧

<sup>14</sup> Nḡaha aga la ahəṅ dagay uwarà Enok, uwana mayyi à tsəh ala mamukwa la lig aṅa Adama la ahəṅ, apəh à ahəṅ uwarà lakəl aṅa azladza uwanay: ‘Tsəbəwwal sləm’, agòd, ‘Sufəl atsa à waṅ, la azlamalika aṅha aṅuvaw, <sup>15</sup> ama azlàtsa à waṅ kà madəh seriya à azladza gudəṅ à vok à gəl, adədukw seriya à azladza uwana à gəl, takəs gay aṅha aw gesina, kà tatak mawisiga uwana tadəhəhəṅ à vok gesina, ḡaha la azlagay mawisiga uwana tatagəl à vok’, Enok agòd. <sup>16</sup> Azladza uwanay taṅoṅuzay à tsəh ala kiya uwanay koksikoksi. Tarabay didi aw, tadehəṅ kà say tatak uwana asa à ləv aṅatà, tapəhay kà bəlaslaslaga, ḡaha tapapət azladza, tavavàràh azladza, kà azladza aṅa makəs gay aṅatà.

*Yahuda adzərədəh azlaməna madiṅal gəl à vok ala*

<sup>17</sup> Akul, azlaməna gay ləv gulo, avika akul gay uwana azlaməna matapla aṅa Sufəl gami Yesu Kristu tapəh à akul à vok à abə dagay uwarà aw. <sup>18</sup> Tagòdəhə à akul kà la madəv à gay gudəṅ à vok kà, adəgahay la ahəṅ azladza uwana tadəkədaslah azladza uwana tanəfa Zəzagəla. Atà kà, tasəl masla aw, tadehəṅ kà azlatatak mawisiga uwana asa à ləv aṅatà pəra. <sup>19</sup> Nḡaha aya kà atà la uwana tatsala mavəhla à waṅ. Atà kà

✧ **1:13** 1.13 1Musa 5.18,21-24

azladza uwana takor gəl aṇatà, atà la Masasəḏok Zəzagəla aw. <sup>20</sup> Ama akul kà, akul azlaməna gay ləv gulo kà, wàḏàw vok à uda la ndzəḏa, zlàkàw vok kà akul à akul, akul gesina vaw ləv aṅkul kaykay à gay marabəṇ uwana katsənàwwàṇ. Zəzagəla la gəl aṇha aṗəhakulla, dàvəhàw kuḏa à ndzəḏa aṇa Masasəḏok Zəzagəla. <sup>21</sup> Dzàw à ahəṇ la dziriga la abà, ṇgaha səlàw kà Zəzagəla awoya akul, fàw madzugway aṅkul kà à kaslà uwana afik, Sufəl Yesu adàpəhla ala, vok ahamàl aṇha uwana ala kà anu, ṇgaha avà à anu sifa uwana adəv à gay aw.

<sup>22</sup> Gàw la vok mahamay kà azladza uwana ləv aṇatà matasləla gə aw. <sup>23</sup> Bàyàw azladza anik à akàl la gay ala. Kà aṇa azladza anik aya kà, gəw la vok mahamay. Hòyàw atà à ahəl kà tsakana aṇatà, amiyaka bà lukut aṇatà uwana tadaw à vok kà maḏahla tsakana la vok kà, kadəḃawni aw.

### *Məzləba Zəzagəla*

<sup>24</sup> Məzləba Zəzagəla, uwana masla la maslay kà manəṇla akul kà tetəvi aṇa maz à akul à adi aw. Adazəḃ akul à kəl ala tsakana, uwana kada-hàwwàṇ gesina, ṇgaha adàtsizl akul à huma aṇha, kadànəṇaw mazləbay aṇha, kadàhənawla la marabay. <sup>25</sup> Məzləbà Zəzagəla la gəl aṇha, asləl à waṇ Sufəl gami Yesu Kristu kà masla aṇa maḃəl anu. Mazləbay agay la masla, azladza gesina tatataslla ahəl. Masla la uwana məṇ Sufəl gami, maslay aṇha adza à ahəṇ aṇa tsərəh à awtày. Kiya uwaga dagay madzəka ṇgaha tsərəh à lakana, ṇgaha aṇa tsərəh à awtày bay. Amen.

**Wakità Zəzagəla Wakitə Anja Makəs Vok  
Slawda Mawga (Cameroun)  
Matal: Wakitə Zəzagəla Wakitə Anja Makəs Vok  
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

03efbf2f-98ca-5534-8610-0be3a8c4b974